



Dossier 2: Lezias/pensums part I

Exercizi: Dal sistem da maiorz al sistem da proporz

Il Tribunal federal ha decidì che tscherts elements dal sistem electoral da maiorz cuntrafetschian a la Constituziun. Tge elements e pertge? Legia ils artitgels da gasetta ed ils extracts da la decisiun dal Tribunal federal. Proceda sco suonda:

- Suttastritga cun ina color tut ils elements che han cuntrafatg a la Constituziun
- Suttastritga l'argumentaziun cun in'atra color

Resumescha en 2–3 frasis cun tes agens plets, tge elements dal sistem electoral da maiorz che han cuntrafatg a la Constituziun e pertge:

Extracts da la sentenza dal Tribunal federal:

4.4. Bestandteil von Art. 34 Abs. 2 BV bildet die Wahlrechtsgleichheit, welche sich in drei Teilgehalte unterteilen lässt. Die Zählwertgleichheit bedeutet, dass alle Stimmen formell gleich behandelt werden. Alle Wähler desselben Wahlkreises verfügen über die gleiche Anzahl von Stimmen, haben die gleichen Möglichkeiten zur Stimmabgabe und alle gültig abgegebenen Stimmen werden bei der Auszählung gleich berücksichtigt. Differenzierungen des Stimmgewichts sind unzulässig. Die Stimmkraft- oder Stimmgewichtsgleichheit garantiert jedem Wähler, dass seine Stimme nicht nur gezählt, sondern gleich wie alle anderen Stimmen verwertet wird. Das Verhältnis zwischen der repräsentierten Bevölkerung und der zugeteilten Sitzzahl soll in den einzelnen Wahlkreisen möglichst gleich sein. Die Zuweisung der Sitze an die Wahlkreise darf sich nur an der Bevölkerungsgrösse messen. Die Erfolgswertgleichheit soll schliesslich sicherstellen, dass allen Stimmen derselbe Erfolg zukommt, d.h. dass sie materiell und in gleicher Weise zum Wahlergebnis beitragen und bei der Mandatsverteilung berücksichtigt werden.

9.

Nach dem Ausgeführten ergibt sich, dass das im Kanton Graubünden angewandte Verfahren für die Wahl des Grossen Rats den Anforderungen von Art. 34 Abs. 2 BV nicht in allen Belangen genügt. Nicht mit Art. 34 Abs. 2 BV vereinbar sind die Sitzgarantie für den im Verhältnis zur durchschnittlichen Repräsentationsziffer bzw. der ersten Verteilungszahl deutlich zu kleinen Wahlkreis Avers (vgl. E. 7 hiervor) sowie die Anwendung des Majorzprinzips in den sechs bevölkerungsreichsten Wahlkreisen (vgl. E. 8 hiervor). Nicht bundesverfassungswidrig ist unter den gegebenen Umständen hingegen die Anwendung des Majorzprinzips in den übrigen 32 Wahlkreisen. Ebenfalls nicht zu beanstanden ist die Regelung, wonach die Sitze für den Grossen Rat entsprechend der schweizerischen Wohnbevölkerung auf die Wahlkreise verteilt werden (vgl. E. 6 hiervor). Die Beschwerde ist teilweise gutzuheissen und es ist festzustellen, dass das Verfahren für die Wahl des Grossen Rats im Sinne der Erwägungen vor der Bundesverfassung nicht standhält. Die zuständigen Behörden des Kantons Graubünden sind im Sinne eines Appellentscheids aufzufordern, im Hinblick auf die nächste Wahl des Grossen Rats unter Beachtung der vorstehenden Erwägungen eine verfassungskonforme Wahlordnung zu schaffen.



Elecziuns chantunalas 2022

Federalissem

La Svizra è in stadi federalistic. Quai vul dir che la responsabladad è repartida sin differents plauns statals: Confederaziun, chantuns e vischnancas. Mintgin da quests plauns ha atgnas incumbensas ed è responsabel per agens secturs. En tscherts secturs collavuran els e coordineschan lur lavur.

Elecziuns chantunalas: Tge gremis vegnan elegids?

Mintga chantun ha in parlament ed ina regenza. Il parlament (= legislativa) fa e decida davart las leschas. La regenza (= executiva) precischa ed exequescha questas leschas. En il chantun Grischun vegn l'executiva numnada **Regenza**. Il parlament sa numna **Cussegl grond**.



Regenza

La Regenza è l'autorità direttiva suprema dal chantun Grischun. Ella consista da 5 commembras e commembers che vegnan elegids da la populaziun per mintgamai quatter onns. Mintga commembra u commember maina in departament (Departament d'economia publica e fatgs socials, Departament da giustia, segirezza e sanadad, Departament d'educaziun, cultura e protecziun da l'ambient, Departament da finanzas e vischnancas, Departament d'infrastructura, energia e mobilitad).

La Regenza planisescha e fixescha las finamiras dal chantun. Ella represchenta il chantun vers anen e vers anora (p.ex. envers auters chantuns u auters pajais). Ella exequescha las leschas dal Cussegl grond.




Foto: Cancelleria dello Stato dei Grigioni.

Cussegl grond

Il Cussegl grond è l'autorità legislativa suprema dal chantun Grischun. El consista da 120 commembras e commembers che vegnan elegids da la populaziun per mintgamai quatter onns. Il Cussegl grond sa raduna normalmain sis giadas per onn.

Il Cussegl grond fa e deliberescha tut las midadas costituzionalas e tut las leschas. El elegia la presidenta u il president da la Regenza sco er las commembras ed ils commembers da la Dretgira chantunala e da la Dretgira administrativa.



Elecziuns chantunales: Dal maiorz al proporz dubel

Il Cussegl grond è vegnì elegì fin l'onn 2022 tenor il sistem electoral da maiorz (= elecziun da maiorz). Elecziun da maiorz vul dir ch'i vegnan elegids – en in circol electoral – las candidatas ed ils candidats cun las pli bleras vuschs (independentamain da la partida). L'elecziun da maiorz vegn perquai er designada sco elecziun da persunas. Dapi l'onn 1937 èsi vegnì decidì tut en tut otg giadas davart la midada dal sistem electoral da maiorz a systems electorals da proporz. Cun in sistem electoral da proporz (= elecziun da proporz) vegnan elegidas – en in emprim pass – las partidas. En in segund pass vegnan ils sezs d'ina partida repartids sin las candidatas ed ils candidats.

Ins differenziescha tranter proporz simpel e proporz dubel. Tar il proporz simpel vegnan dumbradas las vuschs da mintga partida en in circol electoral, lura vegnan ils sezs repartids sin la partidas en proporziun da las vuschs. Sch'ina partida survegn pia la mesadad da las vuschs, survegn ella er la mesadad dals sezs. Il Cussegl nazional

vegn per exempel elegì cun il proporz simpel. Er tar il proporz dubel vegnan ils sezs repartids sin las partidas en proporziun da las vuschs – en in'emprima runda però en l'entir chantun e pir en ina segunda runda en ils circuls electorals. Per quest intent sto l'emprim vegnir calculada la quota da vuschs da mintga partida en il chantun. Uschia vegni eruì, quants sezs che mintga partida survegn. Lura vegnan ils sezs repartids sin ils circuls electorals da maniera uschè proporziunala sco pussaivel cumpareglià cun ils resultats da la votaziun.

La midada dal sistem electoral da maiorz al sistem electoral da proporz è vegnida refusada differentas giadas a l'urna. L'ultima giada l'onn 2013. Sunter las ultimas elecziuns chantunales da l'onn 2018 han tschintg partidas ed ina gruppa da persunas privatas fatg recurs tar il Tribunal federal cunter il sistem da maiorz. Il Tribunal federal ha decidì ch'il sistem electoral n'è betg conform a la constituziun, q.v.d. ch'el na correspunda betg en tut ils puncts a las prescripziuns da la Constituziun federala.

Tribunal federal

Il Tribunal federal è la dretgira suprema da la Svizra (giudicativa). El procura ch'il dretg federal vegnia applitgà en moda unitara e ch'ils chantuns na surpassian – en lur activitads – betg las limitas fixadas da la Confederaziun. L'Assamblea federala elegia ina presidenta u in president dal Tribunal federal e 25 fin 45 derschaders federalas e derschaders federali. Il Tribunal federal è a Losanna.



Tenor il Tribunal federal na correspundan ils suandants puncts betg a la constituziun:

- Il circol electoral Avras è memia pitschen, q.v.d. el ha memia paucas persunas cun dretg da votar per in sez en il Cussegl grond. Las vuschs da las persunas dal circol electoral Avras quintan pia dapli che las vuschs da persunas d'auters circuls electorals.
- Ils sis circuls electorals ils pli gronds èn memia gronds, q.v.d. els han memia bleras persunas cun dretg da votar. Las vuschs da las persunas da quests circuls electorals quintan pia damain che las vuschs da persunas d'auters circuls electorals.

L'onn 2022 ha il chantun pia stuì introducir in nov sistem electoral. En discussiun stevan divers systems electorals cun differents avantatgs e dischavantatgs. La Regenza ha laschè far in studi davart differents systems electorals ed ha lura recumandà 3 systems electorals al Cussegl grond. La finala ha il Cussegl grond tschernì il proporz dubel ed ha midà tant la constituziun sco er las leschas correspundentas. La midada costituziunala è vegnida acceptada dal pievel l'onn 2021 en ina votaziun a l'urna. Ils 15 da matg 2022 èsi vegnì elegì per l'emprima giada tenor il nov sistem electoral.